



# فوازير جدّو سمير

أشعار

سمير عبد الباقي

رسوم

ياسر جعينة





# فوازير جدّو سمير

أشعار  
سمير عبد الباقي

رسوم  
ياسر جعينة



النشأشر: المركز القومي لثقافة الطفل  
رئيس التحرير ورئيس المركز  
أشرف عامر

إشراف فنى : منى حلمى  
محمد مختار  
مراجعة لغوية : حسام فتحى  
كمبيوتر : جاكلين جمبل

المركز القومي لثقافة الطفل - مدينة الفنن - الهرم - الجزيرة- جمهورية مصر العربية  
تليفون : ٢٥٨١٦٠٦٨ - ٢٥٨١٦٠٦٩ - تليفاكس: ٣٧٧٩٦٢٤٢  
الهديفة الثقافية للأطفال : السيدة زينب - شارع قدرى - أمام مستشفى الحوض الرصود  
تليفون : ٢٣٩٥٨١٦٩ - ٢٣٩١٥٢٢٠ - تليفاكس : ٢٣٩١٧٤٧١  
الموقع الألكترونى : [www.enccc.org](http://www.enccc.org)  
البريد الإلكترونى : [info@enccc.org](mailto:info@enccc.org)



رقم الإيداع	٢٠١٤ / ٧٢٤٢
الترفيم الدولى	978-977-08-1627-1

مطابع أخبار اليوم أش الصحافة - القاهرة

# مقدمة

جدّو الأراجوز لما يفزّر  
يعمل جد نقول بيهزّر...  
يفتح كتبه  
وبظهر أدبه  
بزرع قلبه شجر فيزهر  
حزّر فزّر  
راح تفهمها لما تفكرا!  
\*\*\*



أنا ح ارسم لك حروف .. اقراني  
ففسّر تلقى الحرف الثاني..  
بقت الصفحة  
بستان فرحة  
من أزهار الكون منعطر  
حزّر فزّر  
الأخضر.. كان أزرق واطفر  
\*\*\*

بعض ساعات الوقت.. سرقتني  
قطر سنين العمر .. لحقتني  
شدّيب شنّبي .. بيّض دقتني  
لكن قلبي  
بصغّر كلّ ما سنّي بتكبر  
حزّر فزّر  
كل ما افكر باما.. اذكّر ا  
\*\*\*



بحر الحب مليئه  
مراكب  
حتى الغائب كان له نايب  
لقمة هنية  
تكفى الميتة  
وتخلى الخايب يتشطر. !  
حزر فزر  
واللى بي فهم لازم يقدر

\*\*\*

تعب النحل عسل وحلاوة  
والوردة ف أشواكها شقاوة  
لسعته جمر

غباوة الشمر  
منها البحر الصافي يتعكر..  
حزر فزر

شرق غرب قبل بحر

\*\*\*





باللى بقلبك بتشوف وبتسمع  
وذكاوتك فى عيونك تلمع  
علشان تبني

إحسب يا ابني  
بالعلم الضلعة تقنور..!  
حزّر فزّر  
حلم الأراجوز راح يتفسّر

\*\*\*

بعمل جدّ ساعات وبهزّر  
يفتح كتبه  
ويظهر أدبه  
بزرع قلبه شجر فيزهر..!

الأراجوز  
الفوازيرجى



# الفـزورة (1)



سيب اللي ف إيدك

واسمعى

أنا قلبى من الكذب

واجعنى

لو قلت الحق أنا أحبك

وكمان ع الصدق

تشجعنى

\*\*\*

راح الف

وادور واوصفها لك

وساعات تطلع

مش على بالك

وساعات تعرفها .. هنبالك..

تساعيك الفرحة

وتساعنى..

\*\*\*

باكتبها شعر ..

وتقراها..

من شهر لشهر بتلقاها

فى كتابك .. فى الصفحة إياها

صعبة أو سهلة

إيه يعنى ؟

تقراها وتشغل مخك

وضرورى ح تفهم معناها..



## الفـزورة (2)



يطبطب عليك

إذا قلت آاه

ويمسك إيديك

إذا مشيت معاه

ح يحفظ عهدك

إذا صنّت سرّه

وتضحك عيونك

في ساعة لقاءه

وإذا كنت شاطر

فقبّل الطريق

عليك باختباره

وخليك دقيق

عشان لو تعوزه

مؤكد يعينك

ولا يلوى بوزه

ما دام هو وانت

بحق وحقيق!




### الفـزورة (3)

مهما المـن جارت عليه  
مهما الخريطة اتزيفت  
مادام الشهيد شالها ف  
عـينيه  
واضحـة الحدود وما اختفت  
\*\*\*


ده دم مش مـتـه .. يا ناس  
ودي أرض  
مش قش وورق  
فى قلوبنا تنبض بالحماس..  
بالدم ترجع .. والعرق !

فيه إسم ينطقه اللسان  
واسم حفظه القلوب  
طول الزمان  
إسم المكان  
بتتعرف بيه الشعوب  
\*\*\*

فيه اسم نعرف به البشر  
واسم نعرف به الوطن  
لكن اللي نطق الحجر  
اسمه يعيش طول الزمن  
\*\*\*



## الفـزورة (4)

يا عطر الورد اللي مفتح 

يا صوت الطير

لما يسبّح

الورد الصاحي على غصنه

بيدق أبوابك

ويصّبّح

\*\*\*

م العام للعام

لا .. دا يوماتي

لحنت ف حبك غنواتي

من غيرك ليّه في الدنيا

علمني أول خطواتي ؟

\*\*\*

بجناحك..

ضلّلتني عليه

وعطشت فكان إسمك مية

أول ما نطقته

ما كملتش

غرفني بحر الحنية .!



## الفـزورة (5)



بافرح فى الفصل أما أشوفه  
واقف يرسم لنا حروفه  
اللى مكسّل متّا بخاف  
والشاطر يكتبه فى كشوفه

\*\*\*

إقرا كل اللي يقول عنه  
فتح مخك تعرف منه  
صحح عقلك لما تفكر  
تقدر تفهم أسرار فنه

\*\*\*

أنا مش إبنه .. لكته أبويا  
مع إنه مش والد أخويا  
فتح ابواب الدنيا لعقلي  
وقال لى .. العلم  
ما هواس بويه

\*\*\*

وقال لى بحكمة وبصوت رايق  
يا ابنى العلم .. خيال وحقايق  
والجهل عدو البشرية ..  
وبالحرية ... نبقى شقايق



## الفزورة (6)



أنا مش قادر أقول لك  
ياللى قدرت تقول لى ..  
أنا على طول محتاج لك..  
طول الوقت يا خلى ..  
\* \* \*

إنت القادر تصنع  
تزرع تبنى .. تعلى  
وتسوق قطر ومركب  
كزآكات .. وتروللى  
\* \* \*

تطحن تخبز نشبع  
وان عَزنا .. بنحلى  
واما بتغزل تلبس  
انا واصحابى وأهلى  
\* \* \*

وف عيدك سنويتا  
أول مايو تقول لى ..  
وردة عشان الشهدا  
واتنين للى يخلى  
كل الأولاد سُعدا  
فى وطن حر تملى



## الفـزورة (7)

مين اللي لَوّن رسومك



وجمع حروفك صفوف

صاحبى فى صحوى .. ونومى

فى الشنطة

أو ع الرفوف ..

\*\*\*

أدبك أسرنى وعلومك ..

عرفت بيها أشوف

أزور معاك الأماكن

وارحل معاك فى الزمان ..

ع الرف صامت ولكن

جواك ولا ميت لسان

رطن يونانى وعربى

تتهجى هندی وصينى

أسبانى وآلا إيطالى

\*\*\*

جاوبت أصعب سؤالى ..

أول ما أفتح تقول ..

كافة ما ابداع بشر

لك فضل هايل مهول

لولاك ما طُلنا القمر ..

ولا عبرنا سهول

عشق وحنين للسفر!



## الفزورة (8)

لفيت ياما بلاد وبلاد

بحر وبرز جبل أو واد

مهما الرحلة كان بتطوّل

لازم أرجع زى الأوّل ..

لمدينة الأمجاد

بغداد !

\*\*\*

مرة رسيت على ظهر السمكة

مرة وقعت ف كهف وشبكة

رحت الهند

ورحت السند

أصل الحركة فيها البركة

\*\*\*

رحت بلاد تركب أفيال ..

ياما وخذنى الرّخ وطار

رحلاتى زاد للأجيال ..

وحكوها عنى صغار وكبار

\*\*\*


الترحال فيه سبع فوايد

إوعى تقضى عمرك فاعد

امشى .. الحرك .. سافر غامر ..

زيتى ولازم نتعب جامد

واكيد راح ترجع بفوايد



## الفـزورة (9)

على فين رايح بس يا قزعة  
والسكة مليانة مخاطر  
الأخت اللي كانت منفزعة




قالت ماتخافش على الشاطر  
\* \* \*

نصّ الشبر ويغلب ألف  
ويشتتهم صف .. بصف  
وح يلحق ينقذ اخوانه  
مع إنه يادوب قد الكف  
\* \* \*

يوضع سرّه في أصغر خَلقه  
حتى لو الغولة حابساه ..  
لما غلبها بقي من حقه  
يرجع واخوانه وياه..  
\* \* \*

قلت لكم دا كلام تخاريف  
كان بيضحك بس مخيف..  
جنّ مصوّر وكمان غولة  
دي تسالي في ليالي الريف !





## الفزورة ( 10 )

عيشنا أيام كده زى الفل  
كلنا للواحد .. والكل  
يحموا الواحد .. هذا قانون  
فى حمايته ما عرفناش ذل ..  
والروح فى سبيل الكل تهون  
\* \* \*

كانت أيام كانت ياما كان  
يا سلام لو كان عشت زمان  
كنت افرح بحصانى وسيفى ..  
واصبح واحد م الفرسان !


كنا ثلاثة اصحاب واخوات  
شجعان وحياتنا مغامرات  
واما انضغّ الرابع لينا ..  
لو جيش ح نحاربه بثبات  
\* \* \*

كنا ضمن كتيبة القصر  
حراس الملك المحبوب  
والفروسية ف ذاك العصر  
نص نبالة  
ونص حروب ..  
\* \* \*





## الفـزورة (11)

انا متشكر.. 

انا ممنون

ياللى ملبت القدرة زنون

كدبك..

وانت كشفته بفكرة

ما يعقلها .. غير مجنون..

\*\*\*

واحد قال : ده لعب عيال

فيه قاضى يصدق أطفال؟

قال لك :

أصل الحق ياولدى..

ساعة الجد لازم يتقال ..

\*\*\*

ناسى القصة؟

والآ عارفها؟..

كنت قاربها..

والآ شايفها؟

\*\*\*

دى ياأولاد حدوتة مشهوره

مش معروف اللى

مآلفها!!



## الفـزورة (12)

قال لك :

كان مرة قرصان  
أعرج لكن زى شيطان  
عامل طباخ  
فوق المركب  
ولا فيش نار من غير دخان!  
\*\*\*

وانا لسذاجتى  
ماعنديش حيطة  
فعرف إنى معايا خريطة  
وعمل صاحبي  
سافر ويانا..  
وكانت رحلة كلها زبطة!!  
\*\*\*

فيها شجاعة وفيها خيانة..  
فى بحار صعبة امواجهها غويطة  
ولولا بعض الحظ معنا  
كانوا غلبونا حين حاصرونا  
بين كهف وحيطة!  
\*\*\*

اتاربه كان رتس بحارة  
عملوا علينا غارة وغارة  
وانا مع انى يتيم وصغير  
بس غلبته بكل شطارة



## الفـزورة (13)

في ساعات وانا نفسي أضحكهم



ماقدرش امنع دمعاتي

وساعات اتخانق مع نفسي

إنت تكرر على حركاتي

ع الشاشة أو فوق المسرح

الناس تسرح مع خيالاتي

\*\*\*

أنا ساحر لو عزت أسافر

في مكانك لو تقطع مسافاتي

تحت لحافي أو تحت المية

للفضا في أسرع سفيناتي

\*\*\*

كاوبوي مرة وسلطان مرة

غلبه شكوكو بلدياتي

أرض رومي هندي لاوندي

مع سمعة والبس خواجاتي

\*\*\*

لو هاوي وعاوي... قلّدي

خليك انسان زي حالاتي

أنا فني تاريخي حكاياتي

راح تفضل للزمن الآتي

حتى على (الفيس بوك) حكاياتي





## الفـزورة (14)

أبو زلومة



لا فيل ولا نونو

ولا برغوت ع المسرح طار

لكن لما جنّ جنونة

فن فنونه .. ياشطار

\*\*\*

كان في السيرك

ماسك زمارة..

زمر ولاهواش زمار

عاكس القرد

وعلم غارة

خلت صاحب السيرك احتار

عبي الشمس ياناس في قزازه

واتشقلب على راس مسمار

\*\*\*

انا قلت لك اسكت وطاوعنى

واغسل وشك م الافكار..

قال: طب ليه عايز تمنعنى..

دانا ضحكت كبار وصغار

وانا مش قرد..

ولا انت حمار! !





## الفـزورة (15)

في آخر الأركسترا..واقف  
ببريِّح رجله على الثانية  
تعبان..لكن سامع شايف  
وبيحسبها لحظة وثانية!

\*\*\*

(دم..دوم) (دوّ) ومَلت المسرح  
لو نهنه حزنًا والا رقص  
حتى المهموم  
ح يفوق يصدق  
لو ماسمعنا اللحن نقص  
\*\*\*

قول لي : من فضلك يا صديق  
ليه قلبي على البعد متابعك  
هادي عميق  
ولا بحر غميق  
موجه متابع نبر صوابك  
\*\*\*

أضخم منهم لكن تسرى  
بحنان وتاخذنا من جارك  
لا بدري تدمدم ولا وخرى  
دا إيقاع الكل..في أوتارك..



## الذئبة والزورقة (16)

عقللك فين يا ابو عقل مفتوح ؟  
بالعلم وبالفن مسلح  
ليه بتهد اللي انت بنيته  
أعمى ؟ .. والا اطرش ومكسح ؟  
\* \* \*

الأشجار بتفرط فيها  
والخضرة بتزرعها مسلح ..  
شطط البحر تسيبه بزيت  
والنهر اللي رواك بيملح  
كل مكان دخان وحريقة  
والنفايات ع الدنيا بتسرح  
النسمة بتسرقها سريفة  
من أطفال حقها تتفسح  
وبتنسى ان أهم حقيقة ..  
من غير صحة مئش ح تصحصح  
\* \* \*

دي حياتنا ان ما بقتش بريئة  
من ذنبنا عمرنا ما ح نفلح  
من غير راحة ازاي ح نغنى  
من غير فرحة ازاي ننجح  
\* \* \*

اسم الله علينا وحوالينا ..  
ليه بنشوه وش الدنيا  
قياها إيه لو عشنا فى جنبنة  
ونغنى للايد البانية !




## الفـزورة (17)

كل الدنيا جابها لعندي  
سوا فلاح  
أو كنت افندي  
وإذا كان حرب وكننت الجندي  
بنشرح لي الخطط الحربية..

يوم ورا يوم  
في الحجم بيصغر  
لكن عقله يوماني بيكبر  
وما دام سهران  
ويتأجح بسهر  
مهما أسأله.. بيرد عليه..

قرّب على البشر  
المسافات..

كل القارات صبحت قرية  
شبكة عابرة للمقارات  
ياما ناس بايعة  
وياما ناس شارية  
وناس في جهالة مئة المية  
مابقاش حتى عايز شبال  
ولو مليون مشكلة وسؤال  
ح برد يحلها في الحال...  
قلت (الفار)  
ساكناه جنبة!!





## الفزورة (18)

على كيفك زمر على كيفك

زتط جمعنا بزمارتك

في حوارى مدينتك

أو ريفك

في المولد نفرح بزيارتك

نعطيك مصروفنا لمصاريفك

طرطورك يرقص لشطارتك

\*\*\*

م العيد للعيد تيجى تزورنا

وتملى نستنى زيارتك

وبنتمنى فى مره نزورك

دي القعهه معاك نفرحنا

والفرجة معاك تسحرنا

وكانها محشورة فى زورك

بنكركر حين نسمع صوتك

بتسرسع داير بعصابتك

مابتشبعش من حوادبتك

ليه بتسوق التقل علينا

مش راضى تقول سر حكايك



## الفـزورة (19)

فأخين عشانها مدرسة  
من غير كتب.. ولا كراسات  
وليها سمعه كوتيسة  
ع الموضة لعبوها البنات  
\*\*\*



لها قانون مش اعتبار  
عصبة أم . دول شعوب  
والأصلى زى الاحتياط  
يهز أوتار القلوب..  
\*\*\*

أنا رحمت تهت في الزحام  
أزق وأشارك في الهتاف  
إن قالوا صح  
أقول .. تمام  
وان خافوا..  
أنا أشهق وأخاف!  
\*\*\*

قال لك مادام الرّف قال  
يبقى مافيش فيها رجوع  
وقجاة تنهز الحمال..  
ترعيني زمجرة الجموع!



## الفـزورة (20)



إسمع كلامى..هاودنى..



ومن الأدب إقرا وزيدنى

دانا زمان حظى عاندنى

ما طللت فى المدرسة مطرح

وبدال ماكنت أطلع

دكتور

محامى..

أو شاعر مشهور

كومبارس كاتب

أو مأمور

والآ ممثل فى المسرح

كبرت وما طللتش .. أقرا

ما اعرفتش بقرة

من شجرة

٥٥

يا ما نفسى تاخذنى لبكرة

حفظنى كلمة ولو حرفين

قرينى سكة بكرة منين؟

واوعدك..

إنى راح الجح !



## الفـزورة (21)

دق موسيقى يا سهران  
وابعت هات لنا م الدكان  
شربات ورد لكل الحارة  
رسي كرمننا  
لم ننهان...!  
\*\*\*

الصفحة البيضة  
كانت تشهد  
ع الجاهز بالرد الأسهل  
الفاهم عمره ما يتردد  
واللى مذاكر طبعا أفضل  
م الكسلان اللي بيفضل  
يقضى اجازة الصيف زعلان  
\*\*\*

أنا عارف وماكنتش خايف  
وانا شاطر ما طلعتش هايف  
واثق من نفسى عشان شايف  
كشفت الشطار نادى عليّه  
وقال مبروك :  
ورقص فرحان



## الفـزورة (22)

أسابيع شهور دق الجرس  
ويبجي الميعاد صابك خرس  
كانى بعبع حضرتك  
جالك مقص  
صابك ألم  
وبلّ ورقك دمعتك  
\*\*\*

تنسى الدروس وتقول ياريت  
ريت ما لعبت ولا جريت  
فات الأوان ولما جيت  
أفكرك .. أتاريك نسيت ..  
لذا كل شهر لازم أعود  
علشان أتبه حضرتك .



تسمح وتسمع حضرتك  
أنا اللي فافس قصتك  
فى الفصل تنسى المسألة ..  
فى الحوش قطعت المريلة ..  
والشنطة آخر بهدلة ..  
والطين ملغمط جزمتك  
\*\*\*

فى الفسحة تنزل شنكله  
وبين زمايلك حنجله  
وتزوغ تضيع حصتك  
ان قلت جاهز للسؤال  
تصعب عليك المسألة  
إيه العمل مع حضرتك  
\*\*\*



## الفزورة (23)

البنك اللي ف كل مناسبة  
بيطاع لى آلتة الحاسبة  
ويقول لى :

ديونك تعبانى

وأنا اقول له :

نتحاسب تانى !  
دوخنى بالغاز حساباته  
بين منحه  
وقروض دولاراته  
يا ظالمنى ..

ودايماً تغلبنى

هات حد محايد يحاسبنى  
انا قلت مافيش ح تربطها  
غير ان حباتى اخططها  
ما اكلشى غير اللي زرعته  
ولا ألبس غير اللي صنعته  
دانا يوم انتاجى ما ح يوفى  
عمره ما ح يركب على كتفى





## الفـزورة (24)

السفروت الفصيح  
م البيض طالع يغنى  
كلام موزون صحيح  
ملحون بشكل فنى  
وطالع فيها جدًا  
مايهموش أى حد  
فى أى وقت يدن  
بهزار لكن بجد  
تلاقبه ع السطح واقف  
عود سمهرى ف كياسة  
عمرى ما شفته خايف  
ولا عسكري الحراسة  
حببته وحين رسمته  
لوئته بألف لون  
نقرنى حين مسكته  
علشان شقى وحررون



## الفـزورة (25)



مكار كانه تعلب  
وحويط كانه فار  
يدور ويلف يلعب  
ما يتعب ليل نهار  
لو ديله جه قصاده  
يجرى الأهيل وراه  
ويسوق قوى ف عناده  
لما تعند معاه..!  
أنا نفسي احترت فيه  
خصوصًا حين ينط  
دا نمر.. والا إيه؟  
فوق ركبتي يحط  
ويروح فى النوم بنام  
وينام فى النوم يروح  
فاسكت وقول سلام  
دا عنده سبعة روح!



## الفـزورة (26)

يطلع صباحي



أفرد جناحي  
ألف واعرّف كل النواحي  
أخذ براحي - أربع جهات  
أنا في الجنّايين

وفي المدايين  
إنتاج إيديّه وشغلي باين  
عسل مصفى سكر نبات  
الناس شافوني

حبوني ياما .. وقلدوني  
ونقشوا لوني

قماش شرايط شعر النبات  
أنا أصل شغلي

صومي وصلاتي

يحكي لكو عنى زهر النبات

للسبب ده

زن زن زناتي

خدوا جناحاتي

وركبوها للطيارات!





## الفـزورة (27)

قد إيه بتشيلونى...  
صبرى طال  
وبابن إنى راح ازهق  
من قليل مانأكلونى  
وقليل ما بترحمونى  
ذنبى إيه؟  
بتشتمونى  
كل ما أفرح وانهق!

أنا لو اكون عصفور

ح أزقرق

وان كنت معزة

ضرورى امامأ

وان بقيت إنسان

راح انطق

زتكم أشعار جميلة

\*\*\*

فى الصباح لو شمس

أشفشق

ودنى طالت لجل تسمع


كل شتايمكو الجميلة

واما أسمعها

أبرطع

فى جنون ما بيدى حيلة..

\*\*\*



## الفـزورة (28)

بارايح المدرسة على مهلك

إيه رأيك ؟

باللا إقنع أهلك

نزرع فى الحتة دى حكاية

ضللها ح بضلل على ضلك

تلعب فى الرايحة

والجاية !

الدنيا بتحب البانى

الزارع للناس الخبير

وشارعنا بقى كله مبانى

عايزين فرع أخضر للطير

يا للا ازرعها معايا تعيش

بذرة تفرع فوق الشيش


نقعد تحتها ساعة الراحة

نحكى ونغنى الحواديت

ضل وخضرة وصوت عصافير

وجمل لنا

شكل البيت .!





## الفزورة (29)

بعد العزيق ح تروى  
وَجَهَّزَ الْغَيْطَانَ  
وَفِي الْخَطْرِ حِجْرِي  
نَحْمِيهِ مِنَ الدِّيدَانِ  
عَلَّشْنَا خَاطِرَهُ نَحَارِبَ  
وَكَأَنَّنا فِ مِيدَانِ  
زَهْرَهُ الْأَصْفَرَ مَدَّهَبَ  
لَكِنِ يَا لِلْعَجَبِ  
لَمَّا بَيَّضَ لَوْنَهُ ..  
نَقُولُ عَلَيْهِ دَهَبَ  
جَهَّزْ يَا ابْنِي الْمَعَامِلِ  
وَنَادِي لِلرِّجَالِ  
يَسْغَلُوا الْمَغَازِلِ  
وَيَفْرَحُوا الْعِيَالِ

من لوزة جنب لوزة  
نعمل شنطة وشال  
وجيب فستان بلوزة  
أصل فلوسه حلال!



## الفـزورة (30)

والله

ووقيت يا زمان

من بعد طول انتظاري

زغروطة يا أسوان

البشرى من أرض جارى

فانت سحابة جميلة

شابلة الحياة م البحار

رقصت عشانها القبيلة

وغنى ليها الصغار

الصحرا رقصت وغنت

ردت عليها الغابات

إهتزت الأرض حنت

حضرة وأغانى بنات


شدوا قلوب المراكب

وزوقوا له العروسة

باعته قلوب الحبايب

للسد

ميت ألف بوسة

قلت لخالى   
عليكم الحق  
قال / وانا مالى  
أنا مش عالم  
قلت له / لا  
لازم سوا  
نرسمه مع بعض  
ونخطط له  
ظول على عرض  
إحنا صحيح ح نظير .. صواريخ  
علشان إنتو حرتوا الأرض  
قال : الدور والباقي عليكم  
قلت له .. حطوا إيدينا فى إيدكو  
اللى زرع زرعة يكملها  
مسئول عنها ويتحملها  
قال .. ما تقولش يا جدى يا خال  
أجبال بتسلم أجبال  
راح الماضى  
وراحت ناسه  
لكن إنت يا صغير جدا  
فيك إحساس الجاى  
وحماسه  
دقوا الباب  
يفتح فى الحال !





## الفزورة (32)


عيني في عينك يا كداب  
مين سهانا وفتح الباب  
\*\*\*



وفوق النيل سارح ومرّوح  
شاييل خير البحر سحاب  
ساعة نشمك عطر جنينة  
وان جعنا بنشمة كباب

شاييل إيه م البحر وطاير  
جايب ليه م الصحرا تراب  
شعر البنت اتلقّ ضفاير  
خايضة عليه مش كنتو اصحاب  
\*\*\*

صورتك فوق البيض تتلون  
صوتك وشوش  
ورق الغاب  
\*\*\*





## الفـزورة (33)

نايم قايم صاحي  
ليلي كانه صباحي  
يا فانوسي  
يا ايصباحي  
صوت الحق اذان  
يا قمرى يا هليل  
قال لى جدى وقيل  
كل ما كلت قليل  
راح تفضل شبعان

مرحب يا اولادى  
انا جيت لكو فى ميعادى  
كل الارض بلادى  
ومالبش فيها مكان  
\*\*\*  
صوتك لما وصلنى  
ليل ونهار حصلى  
جدى رجب وصلنى  
لابويا شبعان  
\*\*\*



# الفزورة (34)

تلات إخوان



ويا عجبى

بلدنا اشتهر بيها

عجايب الدنيا

لو تحسب

فى أول ما ح تحصيها

بناها

شعبنا الفلاح

وغيره اندفن فيها

قصور فى الدنيا

للآخرة

حكاية الموت

بينهيها

رباعيات ثلاثية

خبرنا ف معانيها

لكن باقية

تاريخ ما يموت

بطول لايام


وكل الدنيا

بتزورها

لكن إحنا اللي

نحميها!

نغنيها



## الفـزورة (35)

عظيم..



قديم كأنه

من أول الحياة

حارس نائم وصامت

بيخوف الغزاة

الكل قال كلامه

وهو لم يقول

عشان حافظ مقامه

بمنظره المهول


ملك كل الوحوش

مع إنه من الحجر

عدت عليه جيوش

كسرها .. وانتصر

كل الزمان .. زمانه  
وفى القلوب مكانه  
وساعات على القروش  
مرسوم أو  
فى الصور





## الفـزورة (36)

لو كان خيالك



يصبح حقيقة

نقدر تفكر .. فحلم تصور

إزاي جعلنا الجبل حديقة

طبقة بتعلا

على كتف طبقة

وحلقه تشبك في قلب جاقه

شجر بيكبر

على وفاق

والأمر يصبح خيال وأكثر

وبدون خناق  
الذكرى تبقى  
فكرة وشهرة لأرض العراق

يمكن دي كانت  
في عصر ماضي

يمكن ح نطهر

في الحلم بكرة

ويكون سباق

وحلق حكى ياما لخلابق

خيال خيالي

يمكن حقايق

عن بابل اللي تطيرة - وحضرا

صخور دي والا

فصور بتعلا

بساتين حدابق !

## الفـزورة (37)

كانوا زمان  
عسكر فرسان  
يتحاربوا سيف  
حربة . حصان  
وتحطوا مدن السكان  
بحيطان  
صلب حديد وصخور  
\*\*\*

وانا .. وانا بلدى ف آخر الكون  
ولون اولادى  
غير اللون  
معروفين تواريخ وفنون  
سلطان أنا ؟  
لا .. امبراطور

يلزم يا ابنى لبلدى حماية  
حيط جبار مالهمش نهاية  
ما تفوتش منها الحراية  
ويعيشوا أهلى فى رخاء وسرور  
وانا ح اسالك بقى  
يا عصبة  
روح لف الدنيا بحالها ودور  
وتعالى مشوسنى  
وقول لى ..  
فين ح تلاقى زى ده سور!



## الفـزورة (38)



على قد ما انت  
حافظ جميلك  
ح اقطع تذاكر السفر  
وأجى لك  
ولو مفلّس  
ح اعدى عايم  
دى الموجة هادية  
والبحر نايم  
وانا عندى فيزا  
يا للى انت وسط المدينة قايم  
لكن أما شوفتك  
أنا خفت جدّا  
إمسك فى نفسك  
الروح عزيزة  
وشد حيلك  
أوعى تزود للأرض ميلك  
إفضل كما انت وخذ بريزة  
قال لى دليلك  
ح تعيش كمان  
جيل بعد جيل  
أنا قلت أسند  
بدراعى اشيلك  
ساندة  
مساعدة  
تبقى لى ميزة



## الفـزورة (39)



ليه عينك ..



هربت من عيني  
مكسوف ؟ .. والا انت مش صاحبي ؟  
لو شاطر - دايماً خلينى ..  
أكشف لك كل اللي ف قلبي ..

\*\*\*

أنا غيرك ..

واكيد انت كمان غيري  
إثنين أبوه لكن أصحاب  
غننت لك ياما عصافيري ..  
وايديك فتحت لى الأبواب ..


\*\*\*

صدقنى الدنيا ما تسواشى  
لو تبقى قلوبنا على بعض  
فيه ناس  
يتقابلوا على الماشى  
واحنا .. بتجمعنا السما والأرض

\*\*\*

فسّر لى وقول لى .. إيه بيتنا  
واللى مخلينا كما لآخوات  
جمّعنا (شئ) سِنَّة بسِنَّة  
زى الشجرة المليانة حياة ..

## الفـزورة (40)

أنا والفرعنة 

من أصل واحد

كانوا جدودي

وأنا والدهم

فازاي ح تنكر يا ابو قلب جاحد

إن انت شارب

من نيل بلدهم

مهما تاريخ الغزاه عاندهم

تفضل حدود الزمان حدودهم

مكتوبة فوق الحجر حكاوي

ونغمها ساعة الصلاة غناوي

مدنة

ومسلة

بينهم كنيسة

تقول : يا جاحد

من قبل مينا والرب واحد

جامع قلوبنا

نبني المعابد

على بر شرقي القصور بنادر

وف بر غربي القبور بيادر

وبين بيناتهم

النهر خالد !





الفزورة 21



التاجح

الفزورة 22



الحايب

الفزورة 23



الملك الدولي

الفزورة 24



الديك

الفزورة 25



القطعة

الفزورة 26



الفراشة

الفزورة 27



الحمار

الفزورة 28



الأشجار

الفزورة 29



القطن

الفزورة 30



الفيضان

الفزورة 31



المستقبل

الفزورة 32



التسيم

الفزورة 33



رمضان

الفزورة 34



الأهرامات الثلاث

الفزورة 35



أبو الهول

الفزورة 36



حدائق بابل المعلقة

الفزورة 37



سور الصين العظيم

الفزورة 38



برج بيزا المائل

الفزورة 39



الصاحب

الفزورة 40



الأفصر

## سمير عبد الباقي

• مارس الكتابة منذ ذلك التاريخ في مجلات الأطفال والصحف .. فشارك في تحرير «كروان» و «سمير» كما كان له دور رئيسي في إصدار ملحق مجلة « صباح الخير » الشهير (حكايات صباح الخير) ، وكتب فيه أكثر من ١٢ حكاية .. منها : حكاية سقا ، نهر الدموع ، وعذراء الربيع ووجه القمر وغيرها من الحكايات . كما شارك في تحرير « بريد صباح الخير » و« نادى الرسامين » تحت إشراف الفنان الكبير حسن فؤاد .

• تولى العديد من المناصب الإدارية بوزارة الثقافة

• شارك في تحرير معظم مجلات الأطفال المصرية والعربية وقام بدور فاعل في توجيهها نحو أدب وفنون للطفل راقية ممتعة ومنها مجلات : -

• كروان • سмир • ميكي • أسامة • سامر • أحمد • ماجد • سدره • العربي الصغير • علاء الدين .. كما أسس وكتب باباً للأطفال بجريدة المساء ( لقاء الأصدقاء ) .

• يكتب الشعر بالفصحى وبالعامية المصرية وله أعمال مهمة في مجال المسرح الشعري والقصيدة الدرامية ولديه عشرات من الدواوين الشعرية للكبار والصغار كما كتب القصة والحكاية والرواية .

### من أهم ما كتب للأطفال :

#### أ. أشعار:

• شبح في عرين الأسد • صندوق الدنيا • الثعلب في حظيرة الدجاج • شقاوة أشعار وأغانى الأطفال • حواديت وتلامذة • شجرة الحروف .

ب. قصص وروايات: • ثلاث أرانب • مغامرات مشمشة • ضحكة بنت السلطان • عندما تضحك الشعوب • نظارة جدو • الأرنب يلعب الكرة • الفيل وحببة الترمس • الفيل ولعبة شد الحبل • رجلاً شجاعاً • شعرة من شنب الأسد • ضحكة التنين • الضفدعة الخضراء • مغامرة أبو لبدة المدهش • حكايات القدرة المسحورة • القرد والقرصان • شهر ستانى و القصر المسحور • القط مشكاح والفأر رماح • حكايات الناس النونو • فاطيمة السمراء • يارتنى ألقى فراشة • عندما تطير الزهور • حكاية الحمار الفصيح • قطعة السكر • مرجان حارس العسل • الأرنب يبحث عن ماما • رحلة الفيل • بيت الأصدقاء • يوم جاء الحارس متأخراً • قارب الصيد الحزين • نداء من كوكب ميت • الآلات المفترسة • الفرشاة المسحورة • رسالة إلى الشمس • الوحش الغريب • أذن الأرنب • أجراس الأمبراطور • المدينة الحزينة • من أكل البرسيم • الصياد والجائزة الموعودة • أسود وأبيض ورمادى • مذكرات حمار • هروب للأبد • فكرة من أجل العصفور • أشرف والسمكة الحمراء • من يغضب الأزهار • فارس بنى زحلان • شريحة تنفذ بركات • سيوف الأقارب .

#### ج. كتب للمركز القومى لثقافة الطفل:

حكاية الست أم يوسف : حكايات الشطار • أمسيات الصيف • حكايات والثالثة ثابتة • ليالى الشتاء • ثلاثات والعبرة بالنهايات .

#### د. كتب لمسرح الطفل:

• حكاية سقا • مغامرات حسن قرن الفول • مملكة القردة • ثورة العرائس • أرنب فوق العادة • قرص عسل من غير كسل • دبدوب الكسلان • الطحان وملك الغابة • حلم علاء الدين • البلياتشو وست الحسن • ملاعب جحا • معزة أبو على • طائر الحظ السعيد .

سمير عبد الباقي



## في هذا الكتاب.

يقدم لنا جدو سمير عبد الباقي أشعارًا في هيئة فوازير. تتناول كل فزورة موضوعًا مختلفًا. مرة يكون «الصديق» هو بطل الفزورة. وأخرى يكون «الشهيد» هو البطل.. أو «الأم» أو «المدرس».. إلخ.

وقد تكون الفزورة عن مكان. كالأهرامات أو سور الصين العظيم أو حدائق بابل المعلقة. وأحيانًا تكون الفزورة عن حيوان كالخمار أو طائر كالفراشة..

فوازير «جدو سمير» للشاعر الكبير سمير عبد الباقي قمنا باختيارها من بين عدد كبير من الفوازير. كان جميعها يستحق النشر. ولكننا خشينا أن يتحول الكتاب إلى مجلد كبير. يكون عبئًا على أصدقائنا الصغار. حملًا وقراءة.

فوازير «جدو سمير» تركناها بدون عناوين لكي يحاول القارئ أن يخمن حل الفزورة. ثم يذهب إلى آخر صفحات بالكتاب ليعرف الحل.

فوازير «جدو سمير» تتعاقب فيها متعة الشعر مع حسن اختيار الموضوعات و طرافة تقديمها. بالإضافة إلى تنشيط عقل القارئ الصغير ( والكبير أيضًا ) من أجل الوصول إلى الحل.

أشرف عامر